



Komunikado di prensa no. 2024-021

### Opshonnan stratégiko pa Ennia Aruba

WILLEMSTAD/PHILIPSBURG/ORANJESTAD — *Centrale Bank van Curaçao en Sint Maarten* (CBCS) ta studiando e opshonnan stratégiko ku lo por usa relashoná ku Ennia Caribe Holding (Aruba) N.V. (ECHA) i su empresanan filial (Ennia Aruba). E filialnan finansieramente sólido akí ta bou di supervishon di *Centrale Bank van Aruba* (CBA). Den e kuadro ei, CBCS i CBA a hiba kòmbersashon konstruktivo ku otro tokante un posibel transakshon relashoná ku Ennia Aruba i e kondishonnan ku lo mester kumpli kuné na momento di kompartí informashon miéntras ku e transakshon ta den proseso. Dia 24 di mei 2024, e kòmbersashonnan akí a kulminá den firmamentu di un Protokòl di Prosedimentu entre CBCS, CBA i (empresa mama di ECHA) Ennia Caribe Holding N.V. (ECH).

Den e próksimo lunanan, CBCS lo eksplorá e opshonnan stratégiko ku por usa relashoná ku e operashonnan di e grupo di seguro Ennia na Aruba, teniendo bon na kuenta e interesnan di tantu Ennia Aruba i su aseguradonan, komo esnan di Grupo Ennia en general i su aseguradonan. Si e proseso ya menshoná mester hiba na un kambio di kontrol den unu òf mas di e filialnan na Aruba, CBA lo mester duna aprobashon previo pa esei. Pa e motibu ei, den e próksimo lunanan, CBCS i CBA lo kolaborá estrechamente pa laga e proseso akí kana na un manera mas efisiente i efektivo posibel.

Willemstad, 17 di yüni 2024  
CENTRALE BANK VAN CURAÇAO EN SINT MAARTEN

Oranjestad, 17 di yüni 2024  
CENTRALE BANK VAN ARUBA